

20/13), člana 6., člana 17. stav (1) tačka b) i stav (2), člana 25. i člana 31. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo - Prečišćeni tekst ("Službene novine Kantona Sarajevo", broj 2/20), Općinsko vijeće Stari Grad Sarajevo, na sjednici održanoj dana 25.03.2021. godine, donijelo je

**ODLUKU
O DODJELI U ZAKUP POSLOVNOG PROSTORA U
ULICI KOVAČI BROJ 47**

1. Poslovni prostor u ulici Kovači broj 47, ukupne površine 9 m², registarski broj 387, D kategorija, dodjeljuje se u zakup Udruženju za zaštitu prava "TAXI 8" sa sjedištem u Sarajevu.
2. Zakupoprimac poslovnog prostora iz tačke 1. ove Odluke dužan je plaćati 20% mjesečne zakupnine poslovne zone u kojoj se nalazi poslovni prostor.
3. Općinski načelnik će sa zakupoprimcem iz tačke 1. ove Odluke zaključiti ugovor o zakupu predmetnog poslovnog prostora. Ugovor se zaključuje na godinu dana sa mogućnošću produženja, ukoliko zakupoprimac bude redovno izmirivao svoje obaveze.
4. Zakupoprimac je dužan da izvrši osiguranje poslovnog prostora od osnovnih rizika vinkuliranom policom u korist Općine Stari Grad Sarajevo koja nema franšiznog učešća u eventualno nastaloj šteti.
5. Ova Odluka stupa na snagu osmi dan od dana objave u "Službenim novinama Kantona Sarajevo".

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

Broj 02-45-164/21
25. marta 2021. godine
Sarajevo

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), člana 6., člana 17. stav (1) tačka b) i stav (2), člana 25. i člana 31. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo - Prečišćeni tekst ("Službene novine Kantona Sarajevo", broj 2/20), Općinsko vijeće Stari Grad Sarajevo, na sjednici održanoj dana 25.03.2021. godine, donijelo je

**ODLUKU
O DODJELI U ZAKUP POSLOVNOG PROSTORA U
ULICI FERHADIIJA BROJ 35**

1. Poslovni prostor u ulici Ferhadija broj 35, ukupne površine 327,69 m², registarski broj 488, A kategorija, dodjeljuje se u zakup Udruženju umjetnika "Mimika" sa sjedištem u Sarajevu.
2. Zakupoprimac poslovnog prostora iz tačke 1. ove Odluke dužan je plaćati 20% mjesečne zakupnine poslovne zone u kojoj se nalazi poslovni prostor.
3. Općinski načelnik će sa zakupoprimcem iz tačke 1. ove Odluke zaključiti ugovor o zakupu predmetnog poslovnog prostora. Ugovor se zaključuje na godinu dana sa mogućnošću produženja, ukoliko zakupoprimac bude redovno izmirivao svoje obaveze.
4. Zakupoprimac je dužan da izvrši osiguranje poslovnog prostora od osnovnih rizika vinkuliranom policom u korist Općine Stari Grad Sarajevo koja nema franšiznog učešća u eventualno nastaloj šteti.

5. Ova Odluka stupa na snagu osmi dan od dana objave u "Službenim novinama Kantona Sarajevo".

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

Broj 02-45-163/21
25. mart 2021. godine
Sarajevo

Na osnovu člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst 38/16, 44/17, 28/18) i čl. 25. Statuta Općine Stari Grad Sarajevo ("Službene novine Kantona Sarajevo", broj 20/13 - Prečišćeni tekst), Općinsko vijeće Stari Grad Sarajevo, na sjednici održanoj 25. marta 2021. godine, donijelo je

**ODLUKU
O VIDOVIMA SOCIJALNE ZAŠTITE KOJI SE
FINANSIRAJU IZ BUDŽETA OPĆINE STARI GRAD
SARAJEVO**

Član 1.

Odlukom o vidovima socijalne zaštite koji se finansiraju iz budžeta Općine Stari Grad Sarajevo (u daljem tekstu: Odluka) utvrđuju se lica i porodice-domaćinstva koja imaju pravo na socijalnu zaštitu, kao i vidovi socijalne zaštite, iznosi, kriteriji i postupak za ostvarivanje prava iz ove Odluke.

Član 2.

1. Pravo na socijalnu zaštitu na osnovu ove Odluke imaju lica koja se nalaze u stanju socijalne potrebe, lica sa dijagnozom teških ili težih oboljenja i imaju prebivalište na području Općine Stari Grad Sarajevo (u daljem tekstu: Općina) u trajanju najmanje godinu dana prije podnošenja zahtjeva.
2. Pored lica iz stava 1. ovog člana, pravo na socijalnu zaštitu na osnovu ove Odluke imaju:
 - lica koja imaju boravište na području Općine u trajanju najmanje godinu dana prije podnošenja zahtjeva, a imaju priznat status raseljenih lica,
 - lica koja imaju prebivalište i boravište na području Općine, kraće od godinu dana, a stupila su u bračnu zajednicu sa licem koje ima prebivalište ili boravište u trajanju dužem od godinu dana.

Član 3.

1. Vidovi socijalne zaštite u skladu sa ovom Odlukom su: novčane pomoći (kratkoročne i izuzetne), prehrambeni artikli i novčane pomoći za kupovinu ogrijeva:
 - Kratkoročna novčana pomoć do 200,00 KM (dvijestotine konvertibilnih maraka),
 - Izuzetna novčana pomoć u iznosu do 300,00 KM (tristotine konvertibilnih maraka),
 - Izuzetna novčana pomoć u iznosu do 500,00 KM (petstotina konvertibilnih maraka) za liječenje u Bosni i Hercegovini,
 - Izuzetna novčana pomoć do 1.000,00 KM (jednahiljada konvertibilnih maraka) za liječenje u inostranstvu,
 - Novčana pomoć za kupovinu ogrijeva u iznosu do 300,00 KM (tristotine konvertibilnih maraka),
 - Paketi sa prehrambenim artiklima i higijenskim potrepštinama.
2. Novčani iznos za svaki od navedenih vidova novčane pomoći iz člana 3 stava 1. je maksimalan iznos, koji jedno lice može ostvariti u jednoj kalendarskoj godini.
3. Podnosiocu ili domaćinstvu podnosioca zahtjeva, se također može dodijeliti paket sa prehrambenim artiklima i

higijenskim potrebšinama maksimalno dva puta u toku jedne kalendarske godine.

Član 4.

Porodicu-domaćinstvo u smislu Zakona o osnovama socijalne zaštite, zaštite civilnih žrtava rata i zaštite porodice sa djecom, čine: bračni partner, odnosno vanbračni partner, djeca rođena u braku i van braka, usvojena, pastorčad i djeca bez roditelja uzeta na izdržavanje, otac i majka, maćeha, očuh, braća i sestre, pod uslovom da imaju prebivalište odnosno boravište na istoj adresi.

Član 5.

Kratkoročna novčana pomoć može se isplatiti dva puta po 100,00 KM (jednastotina konvertibilnih maraka) u jednoj kalendarskoj godini.

Član 6.

Izuzetna novčana pomoć za liječenje do 300,00 KM (tristotine konvertibilnih maraka), može se odobriti, za liječenje hroničnih i drugih bolesti, za nabavku lijekova koji se ne nalaze na listi lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo, kao i za nabavku jednokratnih pelena za nepokretne osobe ili osobe koje boluju od drugih bolesti usljed kojih nemaju kontrolisane fiziološke potrebe.

Član 7.

1. Izuzetna novčana pomoć za liječenje u iznosu do 500,00 KM (petstotina konvertibilnih maraka) može se odobriti za sljedeće teške bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paraliza i druge teške bolesti i teške tjelesne povrede i sl.
2. Pod teškim bolestima i teškim tjelesnim povredama iz stava 1. ovoga člana podrazumijevaju se bolesti koje zbog svoje prirode, toka i dijagnoze zahtijevaju kontinuirano praćenje, bolničko liječenje, upotrebu medicinskih pomagala i medikamentozni tretman skupim lijekovima, a koji nisu na listi lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo.

Član 8.

1. Pod teškim bolestima iz člana 7. ove Odluke podrazumijevaju se teška stanja i bolesti:
 - kada su funkcije oraganizma smanjene ili potpuno odsutne kao rezultat patoloških procesa i kada su ispoljeni teški znakovi bolesti, što bitno smanjuje aktivnost bolesnika i veže ga uz postelju.
2. Pod teškim tjelesnim povredama iz člana 7. podrazumijeva se i povreda koja:
 - teško oštećuje zdravlje,
 - ugrožava život,
 - ima za posljedicu trajna ili privremena oštećenja ili uništenja vitalnih organa.
3. U provođenju ove Odluke primjenjivat će se Lista teških bolesti odnosno teških tjelesnih povreda na osnovu kojih državni službenik, odnosno namještenik u F BiH ostvaruje pravo na naknadu za slučaj teške bolesti ili invalidnosti ("Službene novine Federacije BiH", broj 30/05).

Član 9.

1. Izuzetna novčana pomoć do 1.000,00 KM (jednahiljada konvertibilnih maraka), za liječenje u inostranstvu, može se odobriti na osnovu preporuke nadležne medicinske ustanove i to u sljedećim slučajevima:
 - operacija vitalnih organa (srce, bubrezi, jetra, mozak i sl.),

- transplantacija koštane srži i drugih vitalnih organa.
2. Troškovi liječenja do 500,00 KM (petstotina konvertibilnih maraka) isplaćuju se na osnovu fakture ili računa zdravstvene ustanove u kojima je liječenje obavljeno ili se treba obaviti.
 3. Troškovi liječenja do 1.000,00 KM (jednahiljada konvertibilnih maraka) isplaćuju se na žiro račun korisnika pod uslovom da isti prikuplja sredstva potrebna za transplantaciju organa za liječenje u inostranstvu.
 4. Prednost pri ostvarivanju prava za liječenje u inostranstvu imaju djeca, lica do navršanih dvadeset godina života, RVI sa pogoršanim zdravstvenim stanjem, kao i lica bez primanja.

Član 10.

Socijalnu zaštitu u skladu sa ovom Odlukom mogu ostvariti lica u stanju socijalne potrebe i to:

- pojedinci ili domaćinstva bez prihoda, najmanje 3 (tri) mjeseca prije podnošenja zahtjeva,
- pojedinci ili domaćinstva kojima najmanje 3 (tri) mjeseca prije podnošenja zahtjeva po članu domaćinstva, ostvareni mjesečni prihod, ne prelaze iznos od 20% prosječne plaće ostvarene u Kantonu Sarajevo u prethodnoj godini, a u skladu sa propisima o socijalnoj zaštiti tj. Instrukcijom o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom,
- lica koja imaju minimalnu penziju (starosnu, invalidsku i drugu vrste penzije) a imaju konstatovano teško ili teže oboljenje.
- prednost pri ostvarivanju prava, na socijalnu zaštitu, imaju lica definisana u alineji 1. člana 10.

Član 11.

Prihodom u skladu sa ovom Odlukom smatra se prihod koji ostvaruje pojedinac ili članovi domaćinstva podnosioca zahtjeva po osnovu:

- plaće i druga primanja iz radnog odnosa,
- plaće i druga primanja koja se ostvaruju mimo radnog odnosa (što se dokazuje odgovarajućim aktom izdatim od strane poslodavca),
- starosne, invalidske i druge vrste penzije,
- primanja po propisima iz boračko-invalidske zaštite i zaštite CZR,
- prihodi ostvareni po osnovu autorskih prava,
- prihodi ostvareni po osnovu imovinskih prava,
- prihodi po osnovu registrovane dopunske djelatnosti.

Član 12.

Pored prihoda navedenih u prethodnom članu koji moraju biti dokumentovani u predmetu na licu mjesta tj. na kućnoj adresi podnosioca zahtjeva, vrši se uvid u uslovnost i stanje objekta u kojem podnosilac zahtjeva živi. Isti se obavlja od strane tima sastavljenog od uposlenika Službe za boračko-invalidsku i socijalnu zaštitu kao i sekretara MZ na čijem području se nalazi stambeni objekat lica koje se obratilo za pomoć.

Član 13.

Svi vidovi socijalne pomoći i zaštite ubuhvaćeni ovom Odlukom će se ostvarivati prema utvrđenoj dinamici i finansijskim mogućnostima Općine.

Član 14.

1. Vidovi socijalne zaštite i pomoći na osnovu ove Odluke ostvaruju se na osnovu zahtjeva - molbe, uz koji se prilažu dokazi o naprijed iznesenim kriterijima (visina prihoda, prijava prebivališta, izjava o zajedničkom domaćinstvu, medicinska dokumentacija o oboljenju i po potrebi drugi

dokazi), a Zapisnik o neposrednom uvidu u stanje domaćinstva sačinjen na licu mjesta se prilaže u predmet spisa, službeno.

2. Zahtjev - molba, se podnosi putem Službe za boračko - invalidsku i socijalnu zaštitu. O pravima iz ove Odluke odlučuje Općinski načelnik, uz predhodnu stručnu obradu Službe za boračko - invalidsku i socijalnu zaštitu.

Član 15.

O izuzetnoj novčanoj pomoći za liječenje u hitnim slučajevima rješavat će se najduže u roku od sedam dana, a u skladu sa naprijed propisanim procedurama.

Član 16.

Sredstva za ostvarivanje prava na vidove socijalne pomoći utvrđuju se u Budžetu Općine za tekuću godinu, a realizuju prema dinamičkom rasporedu utroška sredstava u mjesečnim kvotama.

Član 17.

Danom stupanja na snagu ove Odluke prestaje da važi Odluka o vidovima socijalne zaštite koji se finansiraju iz Budžeta Općine Stari Grad Sarajevo ("Službene novine Kantona Sarajevo", broj 5/10).

Član 18.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Član 19.

Ova Odluka sačinjena je iz 4 (četiri) stranice.

Broj 02-45-159/21 Marta 2021. godine Sarajevo	Predsjedavajući Općinskog vijeća Stari Grad Sarajevo Dr. sc. Mirza Batalović , s. r.
---	--

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), te člana 85. i 93. Stav (2) Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14 i 48/16), Općinsko vijeće Stari Grad Sarajevo je na 3. sjednici, održanoj 25. marta 2021. godine, donijelo

PRAVILNIK

O IZMJENAMA I DOPUNAMA PRAVILNIKA O DODJELI SREDSTAVA ZA START UP BIZNIS

Član 1.

U Pravilniku o dodjeli sredstava za Start up biznis ("Službene novine Kantona Sarajevo", broj 15/17 i 15/19) u članu 2. riječ "mladih" zamjenjuje se riječima "ranjive kategorije stanovništva, među kojima su mladi, nezaposlene osobe, žene, osobe s invaliditetom".

Član 2.

U član 4. stav c) "mladih starosti do 35 godina" zamjenjuju se riječima "ranjivih kategorija stanovništva, među kojima su mladi, nezaposlene osobe, žene, osobe s invaliditetom".

Član 3.

U član 6. stav (2) riječ "15.000,00 KM" zamjenjuje se riječima "do 10.000,00 KM".

Član 4.

U član 7. stav (2) riječi "60 dana od dana objavljivanja" zamjenjuju se riječima "21 dan od dana objavljivanja".

Član 5.

Ove izmjene stupaju na snagu odmah po usvajanju, a naknadno će biti objavljene u "Službenim novinama Kantona Sarajevo".

Broj 02-49-169/21 Marta 2021. godine Sarajevo	Predsjedavajući Općinskog vijeća Stari Grad Sarajevo Dr. sc. Mirza Batalović , s. r.
---	--

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 49/17 - Prečišćeni tekst i 6/20)), Općinsko vijeće Stari Grad Sarajevo, na sjednici, održanoj 25. marta 2021. godine, donijelo je

RJEŠENJE

O RAZRJEŠENJU I IMENOVANJU ČLANA KOMISIJE ZA POSLOVNE PROSTORE

I

U Komisiji za poslovne prostore, razrješava se:

SULJO AGIĆ - dužnosti člana Komisije

a imenuje se

EDIN DURANOVIĆ - na dužnost člana Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-182/21 Marta 2021. godine Sarajevo	Predsjedavajući Općinskog vijeća Stari Grad Sarajevo Dr. sc. Mirza Batalović , s. r.
---	--

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 49/17 - Prečišćeni tekst i 6/20), Općinsko vijeće Stari Grad Sarajevo, na sjednici, održanoj 25. marta 2021. godine, donijelo je

RJEŠENJE

O RAZRJEŠENJU I IMENOVANJU ČLANA KOMISIJE ZA ODNOS I SARADNJU SA VJERSKIM ZAJEDNICAMA

I

U Komisiji za odnose i saradnju sa vjerskim zajednicama, razrješava se:

SULEJMAN KURTANOVIĆ - dužnosti člana Komisije

a imenuje se

ALIJA KURTANOVIĆ - na dužnost člana Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-180/21 Marta 2021. godine Sarajevo	Predsjedavajući Općinskog vijeća Stari Grad Sarajevo Dr. sc. Mirza Batalović , s. r.
---	--

Na osnovu člana 13. stav (2) Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), postupajući u skladu sa članom 2. stav (3) Poslovnika Općinskog vijeća Stari Grad Sarajevo